

Gvangjsih Minzcuz Bau

Cawjguenj: Gvangjsih Bouxcuengh Swcigih Minzcuz Cunghgyau Swvu Veijyenzvei

Cawjbanh: Gvangjsih Minzcuz Bause

Geiz neix 8 banj

广西民族报

Aenhauh okbanj: CN45-0036

B.2023

Nd.1 Ng.18

Liggaeuq nyaemyzinz nienz ndwenlab ngeihcaet

Geizsoq: Gungh daih 3557 geiz

Caen Hengzdoengh Haenqrengz Haicauh Seizdaih Moq Gij Yiengh Moqsak Cauhlaeb Aen Gvangjsih Gyaeunde

——2023 Nienz Gvangjsih Cwngfuj Gunghcoz Baugau (Genj Hoiz)

以实际行动奋力开创新时代壮美广西建设新局面

——2023 年广西政府工作报告(摘译)

1 nyied 12 hauh, Gvangjsih Bouxcuengh Swcigih Gaiq Daih Cibsieiq Yinzminz Daiyauj Daihhoih Baez Hoih Daih' it haimuq, Swcigih cujsiz Lanz Denhliz guh cwngfuj gunghcoz baugau, daj gwn daenj youq daengz couhnieb gyauyuz ywbingh daengj fuengmienh daezok bi 2023 baenz dauq guhfap, bouxbien genj hoiz ndawde gj neiyungz gvendaengz beksingq gwndaenj fukleih haenx, daeng okdaej hawj bouxdoeg rox.

Gyauyuz Fuengmienh

● Gyavaiq laebguh aen gyauyuz diji ak ndei, coicaenh gyauyuz goengbingz, doi hawj "miz hag hwnj" cienjbienq baenz "hwnj ndei hag".

● Gyavaiq yivu gyauyuz ndeiraeuh doxdaengh fazcanj caeuq singz mbanj doengzcaez fazcanj, hoenx ndei "sueng gemj" ciengz ciengq neix.

● Genhciz hagdangz duenh gauhcungh lai yiengh fazcanj, demgvangq doxdoiq bangrex, daengxheij daezsang ndaw yienh bujdungh gauhcungh banhag suijsingz.

● Gaijndei aen doih lauxsae, bauj hawj lauxsae daiyi ndei.

Couhnieb Fuengmienh

● Engq yawjnaek hong bouxcoz daegbied dwg dayoz bizyewngz couhnieb cauhsieib, ceng' aeu 2023 nienz bizyez daihagseng 90% doxhwnj ndaej couhnieb.

● Engq lai bang vunzhong nungzminz, boux ndaej duetgungz couhnieb, hawj 1400 lai fanh

vunzhong nungzminz ndaej onj couhnieb, bauj hawj vunzhong nungzminz ndaej cingqciengz lingx cienz-hong.

● Gamguenj aeu soeng youh ndei, haeuj-coengh hawj dan iq, diemq iq hoengh hwnjdaej.

Sebauj Fuengmienh

● Guh giyez cizgungh gihbwnj ciengxlaux baujiemj daengx guek dungcouz, hawj engq lai vunz camgya gihbwnj ciengxlaux baujiemj, guh dangq boux ngaenz ciengxlaux sawqdiemj, baujndei gyoengq boux nungzminz deng cwng aeu reihnaz haenx gj gihbwnj ciengxlaux baujiemj de.

● Gyagiengz gajceh swghih, boux soengq gvaidi, boux soengq vaimai daengj doengh boux lingzvued couhnieb gienzik baujcanj.

Ndangcangq Fuengmienh

● Hawj yihbauj yihliuz yihoz ndaej doxcaez hwnghat caeuq ceihleix, doicaenh yw caeuq gj doxgaiq yawjbingh ywbingh aeu yungh de gyoeb-comz dajcawx gaijgwz, yihliuz fuzvu gyaqcienz diuzcwngj aeu guh ndei youq vaiq.

● Doicaenh goenglaeb yihiyeng ngaenzhong ciduz gaijgwz, onjdangq doicaenh aen diji yawh-fuengz gaemhaed baenzbingh gaijgwz.

● Gyagiengz binghrauq hungnaek fuengzhaed gouqyw diji caeuq wngqdoiq gaengzip naengzlig laebguh. Gyavaiq laebguh 3 aen guekgya gaep caeuq 4 aen swcigih gaep ranghdieg yihliuz cungsim,

doicaenh guekgya(Gvangjsih) gunghgung veiswngz cungsim daengj hanghmoeg.

Ranzyouq Fuengmienh

● Gaijcauh hawsingz siujgih gaeuq 18.07 fanh dauq, rangh bungzhoh 2230 dauq, hwnjguh ranz co 6 fanh dauq doxhwnj.

● Coicaenh fangzdicanj hawciengz bingzonj maenhndei fazcanj, doidoengh fangzdicanj hangz-nieb bingzonj maenhndei fazcanj.

● Youq mbouj doengz hawsingz guh mbouj doengz cwngcwz haeujcoengh boux cawx ranz youq caeuq boux vuenh ranz gvangq youq, yawj dangq boux cingzgvang guh ranzyouq gunghcizginh daigvanj cwngcwz, gaijgez ndei boux haeuj singz moq caeuq bouxcoz daengj ranzyouq vwndiz, damqyawj laebguh aen hawciengz co ranz nanznanz, bauj hawj ndaej gyau laeuz.

Huqgyaq Fuengmienh

● Gyagiengz gamguenj gj doxgaiq youqgaenj swngghoz aeu yungh haenx, gaemhaed ndei gyaqcienz.

● Saedhengz aen souaeu cwngcwz haeuxliengz ndei gyaqcienz sang caeuq haeuxliengz ndei boujdiep sang, lai bwh nohmou, baijbouh ndei gj vangjdenj liengzyouz wngqip gunghawj.

● Dawz sevei gouqcoengh caeuq baujcanj byauhcunj caeuq doxgaiq hwnjgyaq doxnanq hwnjdaej, gibseiz mizyauq hoizgej doxgaiq dox-nangq hwnjgyaq doiq boux gungzhoj yingjyangj de.

Yungzsuij: Giz Mbanjmyauz Bang-gungz Senjdieg Angqcoux Ndwencieng

融水:苗寨易扶点欢乐迎新春

1 nyied 15 hauh, Yungzsuij Myauzcuz Swciyen Mbanjmyauz Mungvuh guh angqcoux bimoq hozdung, gyoengqvunz guh vwnzyi biujyienj, gwn caez haemhdaep daengj hozdung angqcoux bimoq daejdaengz. Mbanjmyauz Mungvuh dwg Yungzsuij giz banggungz senjdieg youq ndeu, gyoengqvunz senjdieg daej neix doenggyaq camgya gingjih yienjok, guenj reihnaz caeuq guh minzsuz daengj, miz onjdingh souhaej, ndaej gvaq saedcej vuenyungz.

Ndaw doz dwg 1 nyied 15 hauh, youq Mbanjmyauz Mungvuh, gyoengqvunz guh hozdung gwn caez haemhdaep.

(Lungz Dauh ingj/龙涛 摄)

Daengq Bouxdoeg

Aenvih ndwencieng cuenggyaj, dou mbouj ok 2023 nienz 1 nyied 25 hauh geiz bauqcej neix lo, sou gya le caiq cingqciengz okbanj.

Bonj bauq benhcizbu

